



255

P R O P R I U M D E T E M P O R E .

S A B B A T O
Ante Dominicam primam
Advéntus.

Ad Vesperas, Capitulum.
Rom. 13. d

Fratres, Hora est iam nos
de somno surgere. Nunc
enim propior es nostra
salus, quam cum credidimus.

R. Deo gratias.
Sic semper respondetur in fi-
ne omnium Capitulorum.

Hymnus.

Creator alme siderum,
Æterna lux credentium,
Iesu Redemptor omnium,
Intende votis supplicum.
Qui dæmonis ne fraudibus
Periret orbis, impetu
Amoris actus, languidi
Mundi medela factus es.
Commune qui mundi nefas
Ut expiâres, ad Crucem
E Virginis Sacratio
Intacta prodis victima.
Cuius potestas gloriæ,
Nomenque cum primum sonat:
Et cælités, & inferi
Treménte curvântur genu.
Te deprecâmur ultimæ
Magnum diè iudicem;
Armis supérnæ grâtiæ
Defénde nos ab hôstibus.
Virtus, honor, laus, glória
Deo Patri cum Filio,
Sancto simul Paráclito,
In sæculorum sæcula. Amen.

V. Rorate cæli desuper, & nu-
bes pluant iustum. *R.* Aperiatûr
terra, & gérminet Salvatorem.

Ad Magnificat, Antiphona.
Ecce nomen Dòmini venit de
longinquo, & clâritas eius re-
plet orbem terrârûm.

O R A T I O .

Excita, quæsumus Dòmine,
poténtiam tuam, & veni:
ut ab imminéntibus peccatorum
nostròrum periculis, temerecâ-
mur protegénte éripi, te libe-
rante salvâri. Qui vivis & regnas
cum Deo Patre in unitâte Spi-
ritus sancti Deus, per omnia sæ-
cula sæculorum. *R.* Amen.

Commemorationes seu Suf-
frágia Sanctorum non fiunt per
torum Advéntum, etiam in Of-
ficio de Sanctis: nec de Cruce in
feriali Officio.

In Advéntu non fit de Festo,
nisi fuerit Duplex, vel Semidu-
plex: quòd si occurrat in Do-
minica, transfértur in primam
diem simili Festo non impedi-
tam, secúndum Rúbricam de
Translatione Festorum. De Simp-
plici verò fit tantum Comme-
moratio.

DOMINICA I.

Advéntus.

Ad Matutinum, Invitatòrium.
Regem venturum Dòminum,
* Venite adorémus. Et dici-
tur etiam in Férijs usque ad
Do-

Dominicam tertiam Adventus.
Psalmus. Venite, exultemus. 2.
HYMNUS.

Verbum supernum prodicens
 E Patris aeterni sinu
 Qui natus orbi subvenis,
 Labente cursu temporis.
 Illumina nunc pectora,
 Tuoque amore concremas
 Ut cor caduca deserens
 Caeli voluptas impleat.
Ut, cum tribunal iudicis
 Damnabit igni noxios,
 Et vox amica debitum
 Vocabit ad caelum pios.
Non esca flammarum nigros
 Volvamus inter turbines,
 Vultu Dei sed compotes
 Caeli fruamur gaudijs.
Patri, simulque filio,
 Tibique sancte Spiritus,
 Sicut fuit, sit iugiter
 Saeculum per omne gloria.
 Amen.

Antiphona, Psalmi, & Versiculi Nocturnorum, ut in Psalterio. 3.

AD LAUDES,
& per Horas, Antiphona.

In illa die stillabunt montes
 dulcedinem, & colles fluent
 lac & mel, alleluia. **Psalmus.**
 Dominus regnavit. 18.
Antiphona. Incundare filia Sion, &
 exulta satis filia Ierusalem, alleluia.
Psalmus. Iubilare Deo. 18.
Antiphona. Ecce Dominus venit,
 & omnes sancti eius cum eo,
 & erit in die illa lux magna,
 alleluia. **Psalmus.** Deus meus. 18.
Antiphona. Omnes
 sitientes venite ad aquas: quaerite
 Dominum, dum inveniri

potest, alleluia. **Canticum.** Benedicite. 19. **A**ntiphona. Ecce venit Propheta magnus, & ipse repovabit Ierusalem, alleluia. **Psalmus.** Laudate Dominum de caelis. 20.

CAPITULUM. Rom. 13. d
Fratres, Hora est iam nos de somno surgere. Nunc enim propior est nostra salus, quam cum credidimus. **R.** Deo gratias.

HYMNUS.

En clara vox redarguit
 Obscura quaeque personans:
 Procul fugentur somnia:
 Ab alto Iesus promicat.
Mens iam resurgat torpida,
 Non amplius iacens humi:
 Sidus refulget iam novum,
 Ut tollat omne noxium.
En Agnus ad nos mittitur.
 Laxare gratis debitum:
 Omnes simul cum lacrymis.
 Precemur indulgentiam.
Ut, cum secundo fuerit,
 Metuque mundum cinxerit,
 Non pro reatu puniat,
 Sed nos plus tunc protegat.
Virtus, honor, laus, gloria
 Deo Patri, cum Filio,
 Sancto simul Paraclyto,
 In saeculorum saecula.
 Amen.

V. Vox clamantis in deserto, parare viam Domini. **R.** Rectas facite semitas eius.

Ad Benedictus, Antiphona.
 Spiritus sanctus in te descendet
 Maria: ne timeas, habebis in
 utero filium Dei, alleluia.

Oratio. Excita quaesumus Domine, ut supra. 155.

Ad Primam, Tertiam, Sextam,

tam, & Nonam, Antiphona: de Laudibus dicuntur per ordinem quarta praetermissa. Quod etiam servatur in alijs Dominicis Adventus.

Ad Primam, Hymnus. Iam lucis orto sidere. 23. **A**ntiphona. In illa die. **Psalmus.** Deus in nomine, cum reliquis ut in Psalterio. 23. **Capitulum.** Regi saeculorum. 27.

R. breve. Christe Fili Dei vivi, *** Miserere nobis. Repetitur.** Christe Fili Dei vivi, miserere nobis. **V.** Qui venturus es in mundum. **Miserere nobis. V.** Gloria Patri. **Christe Fili Dei vivi, miserere nobis. V.** Exurge Christe, adiuva nos. **R.** Et libera nos propter nomen tuum.

Sic dicitur quotidie usque ad Nativitatem Domini, etiam in Officio de Sanctis, praeterquam in die Conceptionis beatae Mariae, & per Odam.

Deinde Kyrie eleison. Christe eleison. Kyrie eleison. Pater noster. Credo. V. Et ego ad te Domine clamavi. **cum reliquis ut in Psalterio. 27.**

Ad Absolutionem Capituli, Lectio brevis. Domine, miserere. 29. **Quae dicitur in Dominicis & Ferialibus usque ad Vigiliam Nativitatis Domini exclusivae.**

Ad Tertiam, Hymnus. Nunc sancte. 38. **Antiphona.** Incundare. **Psalm.** Legem pone. **cum reliquis. 39. Capitulum.** Fratres, Hora est. ut supra. 156. **R.** br. Veni ad liberandum nos.

*** Domine Deus virtutum. Et repetitur.** Veni ad liberandum nos, Domine Deus virtutum. **V.** Ostende faciem tuam, & salvi erimus. Domine Deus virtutum. **V.** Gloria. Veni ad liberandum nos, Domine Deus virtutum. **V.** Timebunt Gentes nomen tuum Domine, **R.** Et omnes reges terrae gloriam tuam.

Sic repetuntur Versus in omnibus R. brevibus Horarum.
Ad Sextam, Antiphona.
 Ecce Dominus.

CAPITULUM. Rom. 13. d
Nox praecessit, dies autem appropinquavit. Abjiciamus ergo opera tenebrarum, & induamur arma lucis.

R. br. Ostende nobis Domine, *** Misericordiam tuam. Ostende. V.** Et salutare tuum da nobis. **Misericordiam tuam. Gloria Patri, & Filio, & Spiritui sancto. Ostende. V.** Memento nostri Domine in benedictio populi tui. **R.** Visita nos in salutari tuo.

Ad Nonam, Antiphona.
 Ecce veniet.

CAPITULUM. Rom. 13. d
Sicut in die honeste ambulamus: non in comessationibus & ebrietatibus, non in cubilibus, & impudicijs, non in contentione & amulatione: sed induimini Dominum Iesum Christum.

R. breve. Super te Ierusalem, *** Orietur Dominus. Super. V.** Et gloria eius in te videbitur. **Orietur. Gloria. Super. V.** Domine Deus virtutum converte nos.

nos. *R.* Et ostende faciem tuam, & salvi erimus.

Ad Vesperas, Antiphona. In illa die. cum reliquis de Laudibus. 156. *Psalmus.* Dixit Dominus. cum reliquis de Dominica. 125. *Capitulum.* Fratres, Hora est iam. *Hymnus.* Creator alme siderum. ut supra in primis Vesperis. 155. *Y.* Rorate caeli desuper, & nubes pluant iustum. *R.* Aperiat terra, & germinet Salvatorem.

Ad Magnificat, Antiphona. Ne timeas Maria, invenisti enim gratiam apud Dominum: ecce concipies, & paries filium, alleluia. *Oratio.* Excita, quæsumus Domine. ut supra. 155.

Hymni, Versiculi & R. brevia huius Dominice dicuntur in alijs Dominicis & Ferijs Adventus.

Post Vesperas diei dicuntur Vesperæ Defunctorum. lxvii.

FERIA SECUNDA.
Ad Matutinum, Invitatorium. Regem venturum. *Hymn.* Verbum supernum. ut supra in Dominica, 156. *Añã.* Dominus defensor. *Psalmus.* Dominus illuminatio. cum reliquis de Psalterio. 59.

Ad Laudes, Antiphona & Psalmus. Miserere. cum reliquis de Psalterio. 59.

CAPITULUM. *Isaie 2.*

Venite, & ascendamus ad montem Domini, & ad domum Dei Iacob, & docebit nos vias suas, & ambulabimus in semitis eius: quia de Sion exi-

bit lex, & verbum Domini de Ierusalem.

HYMNUS.

EN clara vox redarguit Obscúra quæque personans:

Procul fugentur somnia:
Ab alto Iesus pronicat.
Mens iam resurgat torpida,
Non amplius iacens humi:
Sidus resurget iam novum,
Ut tollat omne noxium.
*E*n Agnus ad nos mittitur
Laxare gratis debitum:
Omnes simul cum lacrymis
Precemur indulgentiam.

*U*t, cum secundo fuserit,
Metuque mundum cinxerit,
Non pro reatu puniat,
Sed nos pius tunc protegat.
*V*irtus, honor, laus, gloria
Deo Patri cum Filio,
Sancto simul Paraclito,
In sæculorum sæcula. Amen.

Y. Vox clamantis in deserto,
Parate viam Domini. *R.* Rectas facite semitas eius.

Ad Benedictus, Antiphona.
Angelus Domini nuntiavit Mariae, & concepit de spiritu sancto, alleluia.

Deinde dicuntur Preces. Kyrie eleison. *Pater noster.* *Y.* Ego dixi, Domine. ut in Psalterio. 62.

ORATIO.

EXcita, quæsumus Domine, potentiam tuam, & veni: ut ab imminētibus peccatorum nostrorum periculis, te mereamur protegēte eripi, te liberante salvari. Qui vivis & regnas cum Deo Patre.

Orá-

Oratio Dominica præteritas semper dicitur per Heptomadam in feriali Officio, quando propria non assignatur. Et ad Horas Antiphonæ sumuntur de Laudibus Dominicae præcedentis, quando ad Laudes Feriæ non assignantur propria.

Hodiè dicitur Officium Defunctorum. lxvii.

Ad Primam, Antiphona. In illa die. 156. *Capitulum.* Pacem & veritatem. ut in Psalterio. 35.

R. breve. Christe Fili Dei vivi, *Miserere nobis.* *Repetitur.* Christe Fili Dei vivi, miserere nobis. *Y.* Qui venturus es in mundum. *Miserere nobis.* *Y.* Gloria Patri, & Filio, & Spiritui sancto. *Christe Fili Dei vivi, miserere nobis.* *Y.* Exurge Christe, adiuva nos. *R.* Et libera nos propter nomen tuum.

Deinde Preces, ut in Psalterio in feriali Officio.

Ad Absolutionem Capituli. Domine miserere. ut in Psalterio. 37.

Ad Tertiam, Antiphona. *Lucundare.*

CAPITULUM. *Isaie 23.*

ECce dies veniunt, dicit Dominus, & suscitabo David, germen iustum: & regnabit Rex, & sapiens erit: & faciet iudicium & iustitiam in terra. *R. breve.* Veni ad liberandum nos, *Domine Deus virtutum.* Veni ad. *Y.* Ostende faciem tuam, & salvi erimus. *Domine Deus.* Gloria Patri. Veni ad. *Y.* Timebunt gentes nomen

tuum Domine. *R.* Et omnes reges terræ gloriám tuam.

Post R. breve dicitur Kyrie eleison. *Christe eleison.* *Kyrie eleison.* *Pater noster.* *Y.* Domine Deus virtutum. ut in Psalterio. 41.

Ad Sextam, Antiphona. *Ecce Dominus.*

CAPITULUM. *Isaie 23.*
IN dièbus illis salvabitur Iuda, & Israël habitabit confidenter: & hoc est nomen quod vocabunt eum, Dominus iustus noster.

R. br. Ostende nobis Domine, *Misericordiam tuam.* *Ostende.* *Y.* Et salutare tuum da nobis. *Misericordiam.* *Gloria Patri.* *Ostende.* *Y.* Meménto nostri Domine in benedictio populi tui. *R.* Visita nos in salutari tuo.

Deinde Kyrie eleison. ut supra. 44.

Ad Nonam, Antiphona. *Ecce veniet.*

CAPITULUM. *Isaie 14.*
Propè est ut veniat tempus eius, & dies eius non elongabuntur. *Miserèbitur enim Dominus Iacob, & Israël salvabitur.*

R. breve. Super te Ierusalem, *Orietur Dominus.* *Super.* *Y.* Et gloria eius in te videbitur. *Orietur Dominus.* *Gloria Patri.* *Super te.* *Y.* Veni Domine, & noli tardare. *R.* Relaxa facinoræ plebi tuæ.

Deinde Kyrie eleison. ut supra. 47.

Ad Vesperas, Antiphona. *Inclinavit.* *Psalmus.* *Dilexi.* cum

reliquis de Psalterio. 128.

CAPITULUM. *Genes. 49. b*

Non auferetur sceptrum de Iuda, & dux de femore eius, donec veniat qui mittendus est, & ipse erit expectatio Gentium.

HYMNUS.

Creator alme siderum,
Æterna lux credentium,
Iesu Redemptor omnium,
Intende votis supplicum.

Qui demonis ne fraudibus
Periret orbis; impetu
Amoris actus, linguidi
Mundi medela factus es.

Commune qui mundi nefas

Ut expiaret, ad Crucem

E Virginis sacrario

Intacta prodixit victimam.

Cuius potestas glorie,

Nomenque cum primum sonat;

Et cælitus, & inferi

Tremente curvantur genu.

Te deprecamur ultimam

Magnum dei iudicem;

Armis superne gratie

Defende nos ab hostibus.

Virtus, honor, laus, gloria

Deo Patri cum Filio,

Sancto simul Paraclyto

In sæculorum sæcula. Amen.

Ps. Rorate celi desuper, & nubes pluant iustum. **R.** Aperiantur terra, & germinet Salvatorem.

Ad Magnificat, Antiphona.

Leva Ierusalem oculos tuos, & vide potentiam Regis: Ecce Salvator venit solvere te à vinculo.

Deinde dicitur Kyrie eleison.

cum Precibus ut supra in Psalterio. 130.

Capitula prædicta dicuntur in feriali Officio usque ad Vigiliam Nativitatis Domini excusive.

FERIA TERTIA.

Ad Benedictus, Antiphona.
Antequam conveniret, inventa est Maria habens in utero de Spiritu sancto, alleluia.

Deinde Kyrie eleison. ut supra. præ. 62.

Ad Magnificat, Antiphona.
Quærite Dominum, dum inveniri potest: invocare eum, dum propè est, alleluia.

Deinde Kyrie eleison. ut supra. præ. 130.

FERIA QUARTA.

Ad Benedictus, Antiphona.
De Sion exhibet lex, & verbum Domini de Ierusalem.

Deinde Kyrie eleison. ut supra. præ. 62.

Ad Magnificat, Antiphona.
Veniet fortior me post me, cuius non sum dignus solvere corrigiam calceamentorum.

Deinde Kyrie eleison. ut supra. præ. 130.

FERIA QUINTA.

Ad Benedictus, Antiphona.
Benedicta tu in mulieribus, & benedictus fructus ventris tui.

Deinde Kyrie eleison. ut supra. præ. 62.

Ad Magnificat, Antiphona.
Expectabo Dominum Salvatorem meum, & prastolabor eum dum propè est, alleluia.

Deinde Kyrie eleison. ut supra. præ. 130.

FE-

FERIA SEXTA.

Ad Benedictus, Antiphona.

Ecce veniet Deus & homo de domo David sedere in throno, alleluia.

Deinde Kyrie eleison. ut supra. præ. 62.

Ad Magnificat, Antiphona.

Ex Ægypto vocavi Filium meum: veniet, ut salvet populum suum.

Deinde Kyrie eleison. ut supra. præ. 130.

SABBATO.

Ad Benedictus, Antiphona.

Sion noli timere, ecce Deus tuus veniet, alleluia.

Deinde Kyrie eleison. ut supra. præ. 62.

Ad Vesperas, Capitulum.

Rom. 15.

Fratres, Quæcumque scripta sunt, ad nostram doctrinam scripta sunt: ut per patientiam, & consolationem Scripturarum, spem habeamus.

Hymnus. Creator alme siderum. 160. **Ps.** Rorate celi desuper, & nubes pluant iustum. **R.** Aperiantur terra, & germinet Salvatorem.

Ad Magnificat, Antiphona.

Veni Domine visitare nos in pace, ut letemur coram te corde perfecto.

ORATIO.

Excita Domine corda nostra ad præparandas Unigeniti tui vias: ut per eius adventum, purificatis tibi mentibus servire mereamur. Qui tecum vivit & regnat, in unitate spiritus sancti Deus.

DOMINICA II.

Adventus.

Ad Matutinum, ut in Dominica prima Adventus, supra. 155.

Ad Laudes, & per Horas, Antiphona.

Ecce in nubibus caeli Dominus veniet cum potentate magna, alleluia. **Psalmus.** Dominus regnavit cum reliquis. 17. **Antiphona.**

na. Urbs fortitudinis nostrae Sion, Salvator ponetur in ea murus & antemurum: aperite portas, quia pobiscum Deus, alleluia. **Antiphona.** Ecce apparbit Dominus & non mentietur: si moram fecerit: expecta eum, quia veniet & non tardabit, alleluia. **Ant.** Montes & colles cantabunt coram Deo laudem, & omnia lingua silvarum plaudent manibus: quoniam veniet Dominator Domini in regnum æternum, alleluia, alleluia. **Antiphona.** Ecce Dominus noster cum virtute veniet, & illuminabit oculos servorum suorum, alleluia.

Capitulum. *Rom. 15.*

Fratres, Quæcumque scripta sunt, ad nostram doctrinam scripta sunt: ut per patientiam, & consolationem Scripturarum, spem habeamus.

Hymnus. En clara vox. 156. **Ps.** Vox clamantis in deserto: Parate viam Domini. **R.** Rectas facite semitas eius.

Ad Benedictus, Antiphona.

Ioannes autem cum audisset in vinculis opera Christi, mittens

L

tens

tens duos ex discipulis suis, ait illi: Tu es qui venturus es, an alium expectamus?

Oratio. Excita Domine corda, ut suprâ. 161.

Ad Tertiam, Antiph. Urbs fortitudinis. **Capitulum.** Fratres, Quacumque, ut sup. 161.

Ꝟ. breve. Veni ad liberandum nos, * Domine Deus virtutum. Veni. * Ostende faciem tuam, & salvi erimus. Domine, Gloria Patri. Veni. * Timébunt Gentes nomen tuum Domine. **Ꝟ.** Et omnes reges terra gloriám tuam.

Ad Sextam, Antiphona.

Ecce apparebit.

CAPITULUM.

Rom. 15.

Deus autem patientiæ, & solatij det vobis idipsum sapere in alterutrum secundum Iesum Christum: ut unánimes, uno ore honorificetis Deum, & Patrem Domini nostri Iesu Christi.

Ꝟ. breve. Osténde nobis Domine, * Misericórdiam tuam. Osténde. * Et salutáre tuum da nobis. Misericórdiam. **Gloria Patri.** Osténde. * Memento nostri Domine in beneficiis populi tui. **Ꝟ.** Visita nos in salutari tuo.

Ad Nonam, Antiphona.

Ecce Dominus noster.

CAPITULUM.

Rom. 15. c

Deus autem spei réplet vos omni gaudio, & pace in credendo: ut abundetis in spe, & in virtute Spiritus sancti.

Ꝟ. breve. Super te Ierusalem,

* Orietur Dominus. Super te. * Et gloria eius in te videbitur. Orietur. **Gloria Patri.** Super te. * Domine Deus virtutum converte nos. **Ꝟ.** Et osténde faciem tuam, & salvi erimus.

Ad Vesperas, Antiphona.

Ecce in nubibus, cum reliquis de Laudibus. 161. **Psalmus.** Dixit Dominus, cum reliquis de Dominica. 125.

Capitulum. Fratres, Quacumque. 161. **Hymnus.** Creator alme siderum. 160. * Rorate cæli desuper, & nubes pluant iustum. **Ꝟ.** Aperiantur terra, & germinet Salvatorem.

Ad Magnificat, Antiphona.

Tu es qui venturus es, an alium expectamus? Dicite Ioánni quæ vidistis: Ad lumen redeunt cæci, mortui resurgunt, pauperes evangelizantur, alleluia.

Oratio. Excita Domine corda, ut suprâ. 161.

Post Vesperas die dicuntur Vesperæ Defunctorum. lxviii.

FERIA SECUNDA.

Ad Laudes, Antiphona & Psalmus. Miserere, cum reliquis de Psalterio. 59.

CAPITULUM. *Isaie 2.*

Venite, & ascendamus ad montem Domini, & ad domum Dei Iacob, & docebit nos vias suas, & ambulabimus in semitis eius: quia de Sion exiit lex, & verbum Domini de Ierusalem.

Hym-

Hymnus. En clara vox. supra. 158. * Vox clamantis in deserto, Parate viam Domini.

Ꝟ. Rectas facite semitas eius.

Ad Benedictus, Antiphona.

De caelo veniet Dominator Dominus, & in manu eius honor & imperium.

Deinde dicitur Kyrie eleison. supra. 62.

ORATIO.

Excita Domine corda nostra ad preparandas Ungenti tui vias: ut per eius adventum, purificatis tibi mentibus servire mereamur. Qui tecum vivit & regnat.

Hodie dicitur Officium Defunctorum. lxxii.

Ad Magnificat, Antiphona.

Ecce veniet Rex Dominus terræ, & ipse auferet iugum captivitatis nostræ.

Deinde Kyrie eleison. ut supra. 130.

FERIA TERTIA.

Ad Benedictus, Antiphona.

Super te Ierusalem oriatur Dominus, & gloria eius in te videbitur.

Deinde Kyrie eleison. ut supra. 62.

Ad Magnificat, Antiphona.

Vox clamantis in deserto: Parate viam Domini, rectas facite semitas Dei nostri.

Deinde Kyrie eleison. ut supra. 130.

FERIA QUARTA.

Ad Benedictus, Antiphona.

Ecce ego mitto Angelum meum, qui preparabit viam

meam ante faciem tuam.

Deinde Kyrie eleison. ut supra. 62.

Ad Magnificat, Antiphona. Sion renovaberis, & videbis iustum tuum, qui venturus est in te.

Deinde Kyrie eleison. ut supra. 130.

FERIA QUINTA.

Ad Benedictus, Antiphona. Tu es qui venturus es Domine, quem expectamus, ut salvum facias populum tuum.

Deinde Kyrie eleison. ut supra. 62.

Ad Magnificat, Antiphona.

Qui post me veniet, ante me factus est: cuius non sum dignus calcamenta solvere.

Deinde Kyrie eleison. ut supra. 130.

FERIA SEXTA.

Ad Benedictus, Antiphona. Dicite, Pusillanimes confortamini: ecce Dominus Deus noster veniet.

Deinde Kyrie eleison. ut supra. 62.

Ad Magnificat, Antiphona. Cantate Domino canticum novum: laus eius ab extremis terræ.

Deinde Kyrie eleison. ut supra. 130.

SABBATO.

Ad Benedictus, Antiphona. Levabit Dominus signum in nationibus, & congregabit dispersos Israél.

Deinde Kyrie eleison. ut supra. 62.

Ad Vesperas, Capitulum.

Philip. 4.

FRatres, Gaudete in Domino semper: iterum dico gaudete. Modestia vestra nota sit omnibus hominibus: Dominus enim propè est.

Hymnus. Creator alme. *ut supra.* 155. **V.** Rorate caeli desuper, & nubes pluant iustum. **R.** Aperiatur terra, & germinet Salvatorem.

Ad Magnificat, Antiphona. Ante me non est formatus Deus, & post me non erit: quia mihi curvabit omne genu, & confitebitur omnis lingua.

ORATIO.

Aurem tuam, quæsumus Domine, precibus nostris accommoda: & mentis nostræ tenebras gratia tuæ visitationis illustra. Qui vivis & regnas cum Deo Patre.

DOMINICA III

Adventus.

Ad Matutinum, Invitatorium. Propè est iam Dominus: * Venite adoremus. **Et dicitur** quotidie usque ad Vigiliam Nativitatis Domini *exclusivè.* **Psalms.** Venite, exultemus. 2. **Hymnus.** Verbum supernum. *ut supra.* 156.

Ad Laudes & per Horas, Antiphona.

Veniet Dominus, & non tardavit, & illuminabit abscondita tenebrarum, & manifestabit se ad omnes gentes, alleluia. **Psalms.** Dominus regnavit. *cum reliq.* 17. **Antiphona.** Ierusalem gaude gaudio magno, quia veniet tibi

Salvator, alleluia. **Antiphona.** Dabo in Sion salutem, & in Ierusalem gloriam meam, alleluia. **Antiphona.** Montes & omnes colles humillabuntur: & erunt prava in directa, & aspera in vias planas: veni Domine, & noli tardare, alleluia. **Antiphona.** Iustè & piè vivamus, expectantes beatam spem, & adventum Domini. **Capitulum.** Fratres, Gaudete. *suprà.* **Hymnus.** En clara vox redarguit. 156. **V.** Vox clamantis in deserto, Parate viam Domini. **R.** Rectas facite semitas eius.

Ad Benedictus, Antiphona. Super solum David, & super regnum eius sedebit in æternum, alleluia.

Oratio. Aurem tuam. *ut supra.*

Ad Tertiam, Antiphona. Ierusalem gaude. **Capitulum.** Fratres, Gaudete. *ut supra.*

R. breve. Veni ad liberandum nos, * Domine Deus virtutum. **Veni.** **V.** Ostende faciem tuam, & salvi erimus. **Dñe.** **V.** Gloria Patri. **Veni.** **V.** Timèbunt Gentes nomen tuum Domine. **R.** Et omnes reges terræ gloriam tuam.

Ad Sextam, Antiphona. Dabo in Sion.

CAPITULUM. Philip. 4.

Nihil solliciti sitis: sed in omni oratione, & obsecratione, cum gratiarum actione petitiones vestre innotescant apud Deum.

R. breve. Ostende nobis Domine, * Misericordiam tuam.

Os-

Ostende. **V.** Et salutare tuum da nobis. **Misericordiam.** **V.** Gloria Patri. **Ostende.** **V.** Memènto nostri Domine in beneplacito populi tui. **R.** Visita nos in salutari tuo.

Ad Nonam, Antiphona. Iustè & piè.

CAPITULUM. Philip. 4. b

Et pax Dei, quæ exuperat omnem sensum, custodiat corda vestra, & intelligentias vestras in Christo Iesu Domino nostro.

R. breve. Super te Ierusalem, * Orietur Dominus. **Super.** **V.** Et gloria eius in te videbitur. **Orietur.** **Gloria Patri.** **Super te.** **V.** Domine Deus virtutum converte nos. **R.** Et ostende faciem tuam, & salvi erimus.

Ad Vesperas, Antiphona. Vèniat Dominus, cum reliquis de Laudibus. 164. **Psalms.** Dixit Dominus, cum reliquis. 125. **Capitulum.** Fratres, Gaudete. 164. **Hymnus.** Creator alme siderum. 155. **V.** Rorate caeli desuper, & nubes pluant iustum. **R.** Aperiatur terra, & germinet Salvatorem.

Ad Magnificat, Antiphona. Beata es Maria, quæ credidisti Dominum: perficietur in te quæ dicta sunt tibi à Domino alleluia.

Oratio. Aurem tuam. *ut supra.* 164.

Post Vesperas diei dicuntur Vesperæ Defunctorum. lxxviii. **Hæc Antiphona prætermittitur,** si hodiè eius loco ponenda sit una ex Antiphonis ma-

iōribus, ut infra, quibus semper cedunt Antiphonæ propriæ alijs diebus ad Magnificat assignatæ.

Sequētes Antiphonæ maiores ad Magnificat inchoantur die xvii. Decembris, & singulæ ante & post Magnificat integræ sicut in Duplicibus dicuntur per ordinem usque ad diem ante Vigiliam Nativitatis. Si verò Festum fuerit, dicuntur post Orationem Festi, pro Commemoratione Adventus.

Antiphona. 17.

O Sapientia, quæ ex ore Altissimi prodisti, attingens à fine usque ad finem fortiter, suaviterque disponens omnia, veni ad docendum nos viam prudentiæ.

Antiphona. 18.

O Adonai, & dux domus Israël, qui Môysi in igne flammæ rubi apparuisti, & ei in Sina legem dedisti: veni ad redimendum nos in brachio extento.

Antiphona. 19.

O radix Jesse, qui stas in signum populorum, super quem continentur reges os suum, quem Gentes deprecabuntur: veni ad liberandum nos: iam noli tardare.

Antiphona. 20.

O clavis David, & sceptrum domus Israël: qui aperis, & nemo claudit; claudis, & nemo aperit: veni, & educ vinctum de domo carceris, sedentem in tenebris, & umbra mortis.

L 3

AN-

Antiphona. 21.
O oriens splendor lucis æternæ, & sol iustitiæ: veni, & illuminina sedentes in tenebris, & umbra mortis.

Antiphona. 22.
O Rex Gentium, & desideratus eorum, lapisque angularis, qui facis utraque unum: veni, & salva hominem, quem de limo formasti.

Antiphona. 23.
O Emmanuël Rex & legislifer noster, expectatio Gentium, & Salvator eorum: veni ad salvandum nos, Domine Deus noster.

Sequentes Antiphonæ ad Laudes, & per Horas dicuntur in sex Ferijs ante Vigiliam Nativitatis, incipiendo die xvii. Decembris ab Antiphonis, quæ Feriæ illius diei assignantur. Similiter & aliæ dicuntur in proprijs Ferijs.

Quod si dies xvii. fuerit Dominica, Antiphonæ inchoantur sequenti Feriæ secunda, quæ erit dies xviii. Quæ autem dicendæ essent die in quo occurrat festum S. Thomæ, dicuntur in Sabbato cum Psalmis Sabbati, quarta Antiphona prætermissa, cuius loco dicitur Antiphona. Expectetur sicut pluvia eloquium meum: & descendet super nos sicut ros Deus noster, nisi Vigilia Nativitatis venerit in Dominica: tunc enim in Sabbato dicuntur Antiphonæ de Laudibus Dominiæ, quarta prætermissa, cuius loco dicitur Anti-

phona. Expectetur. Antiphona ad Benedictus, & Oratio dicitur ut in Sabbato Quatuor Temporum ponitur. 196. Antiphonæ verò de Laudibus, quæ occurrunt in die S. Thomæ, eo anno prætermittuntur: & in Dominica tunc dicuntur Antiphonæ de Vigilia, ut infra dicitur in Rubrica de Vigilia. 172. Similiter omittitur Antiphon. Expectetur. quando illud festum in Sabbato venerit.

FERIA SECUNDA.

Ad Laudes, & per Horas, Antiphona.

Ecce veniet Dominus, princeps regum terræ: beati, qui parati sunt occurrere illi. **Psalmi eiusdem Feriæ. 59.** Antiphona. Cum venerit Filius hominis, putas inveniet spem super terram? Antiphona. Ecce iam venit plenitudo temporis, in quo misit Deus Filium suum in terras. Antiphona. Haurietis aquas in gaudio de fontibus Salvatoris. Antiphona. Egrederetur Dominus de loco sancto suo: veniet ut salvet populum suum.

FERIA TERTIA.

Ad Laudes, & per Horas, Antiphona.

Rorate celi desuper, & nubes pluant iustum: aperiantur terra, & geminet Salvatorem. **Psalmi eiusdem Feriæ. 72.** Antiphona. Emitte Agnum Domine Dominatorem terræ, de Petra deserti, ad montem filie Sion. **Añ.** Ut

cog-

cognoscamus Dominum in terram tuam, in omnibus, Gentibus salutare tuum. **Antiphona.** Da mercèdem Domine sustinentibus te, ut Prophætæ tui fideles inventiantur. **Antiphona.** Lex per Moysen data est, gràtia & veritas per Iesum Christum facta est.

FERIA QUARTA.

Ad Laudes, & per Horas, Antiphona.

Prophætæ prædicaverunt nasci Salvatorem de virgine Maria. **Psalmi eiusdem Feriæ. 82.** Antiphona. Spiritus Domini super me, evangelizare pauperibus misit me. **Antiphona.** Propter Sion non tacebo, donec egrediatur ut splendor iustus eius. **Añ.** Ecce veniet Dominus, ut sedeat cum principibus, & solium gloriæ teneat. **Añ.** Annunciate populis, & dicite: Ecce Deus Salvator noster veniet.

FERIA QUINTA.

Ad Laudes, & per Horas, Antiphona.

De Sion veniet Dominus omnipotens, ut salvum faciat populum suum. **Psalmi eiusdem Feriæ. 95.** Antiphona. Convertere Domine aliquantulum, & ne tardes venire ad servos tuos. **Antiphona.** De Sion veniet, qui regnaturus est Dominus, Emmanuël magni nomen eius. **Antiphona.** Ecce Deus meus, & honorabo eum: Deus patris mei, & exaltabo eum. **Antiphona.** Dominus legifer noster,

Dominus Rex noster, ipse veniet, & salvabit nos.

FERIA SEXTA.

Ad Laudes, & per Horas, Antiphona.

Constantes estote, videbitis auxilium Domini super vos. **Psalmi eiusdem Feriæ. 107.** **Añ.** Ad te Domine levavi animam meam: veni, & eripe me, Dñe ad te confugi. **Añ.** Veni Domine, & noli tardare: relaxa facinora plebi tue Israël. **Antiphona.** Deus à Libano veniet, & splendor eius sicut lumen erit. **Añ.** Ego autem ad Dominum aspiciam, & expectabo Deum Salvatorem meum.

SABBATO.

Antiphonæ secundum superiorum Rubricam. 166.

Ad Canticum verò, **Añ.** Expectetur sicut pluvia eloquium meum: & descendet super nos sicut ros Deus noster. **Psalmi ut in Laudibus Sabbati. 121.**

In festo S. Thomæ pro Commemor. Adventus ad Benedictus, **Añ.** Nolite timere; quinta enim die veniet ad vos Dominus noster.

Si verò contingat festum S. Thomæ transferri in secundam Feriã, Antiphona prædicta dicitur ad Benedictus in Dominica, loco Antiphonæ. Ave Maria.

Ultimo die ante Vigiliam Nativitatis, ad Benedictus, Antiphona. Ecce completa sunt omnia, quæ dicta sunt per Angelum de virgine Maria.

L4

Qui-

Quibus Antiphonis cedunt
alia Antiphona in proprijs lo-
cis ad Benedictus assignata.

FERIA SECUNDA.

Ad Laudes, Antiphona &
Psalms. Miserere. cum reli-
quis de Psalterio, 59. nisi di-
cenda sint Antiphona secun-
dum superiorem Rubricam.

CAPITULUM. *Isaie 2.*

Venite, & ascendamus ad
montem Domini, & ad
domum Dei Iacob, & docebit
nos vias suas, & ambulabimus
in semitis eius: quia de Sion
exibit lex, verbum Domini de
Ierusalem.

Hymnus. En clara vox re-
darguit. 158. *Y.* Vox clamantis
in deserto, Parate viam Domini.
9. Rectas facite semitas eius.

Ad Benedictus, Antiphona.
Egredietur virga de radice Ie-
se, & replébitur omnis terra
gloria Domini: & videbit om-
nis caro salutare Dei.

Deinde Kyrie eleison. ut su-
pra. 62.

ORATIO.

Aurem tuam, quæsumus
Domine, precibus nostris
accommoda: & mentis nostræ
tenebras gratia tuæ visitationis
illustra. Qui vivis & regnas.

Hodie dicitur Officium De-
functorum. Lxxii.

Ad Magnificat, Antiphona.
Beatam me dicent omnes ge-
nerationes, quia ancillam hu-
miliem respexit Deus.

Nisi dicenda sit Antifa. O
Deinde Kyrie eleison. ut su-
pra. 130.

FERIA TERTIA.

Ad Benedictus, Antiphona.
Tu Bethlehem terra Iuda, non
eris minima: ex te enim exiit Dux,
qui regat populum meum Israël.

Deinde Kyrie eleison. ut su-
pra. 62.

Ad Magnificat, Antiphona.
Elevare, elevare, consurge Ie-
rusalem: solve vincula colli tui,
captiva filia Sion.

Nisi dicenda sit Antifa. O
Deinde Kyrie eleison. ut su-
pra. 130.

FERIA QUARTA.

Quatuor Temporum.

Ad Benedictus, Antiphona.
Missus est Gabriel Angelus ad
Mariam virginem desponsatam
Ioseph.

Deinde dicitur Kyrie eleison.
ut supra. 62. ORATIO.

Praesta quæsumus omnipo-
tens Deus: ut redemptio-
nis nostræ ventura sollemnitas,
& presentis nobis vitæ subsidia
conferat, & aeternæ beatitudi-
nis præmia largiatur. Per Dô-
minum nostrum.

Et dicitur ad omnes Horas,
præterquam in Vesperis.

Ad Magnificat, Antiphona.
Ecce ancilla Domini: fiat mihi
secundum verbum tuum.

Nisi dicenda sit Antifa. O
Post Preces dicitur Oratio
Dominica præcedentis.

ORATIO.

Aurem tuam, quæsumus
Domine, precibus nostris
accommoda: & mentis nostræ
tenebras gratia tuæ visitationis
illustra. Qui vivis & regnas.

FE.

FERIA QUINTA.

Ad Benedictus, Antiphona.
Vigilate animo, in proximo est
Dominus Deus noster.

Nisi occurrat Festum S. Tho-
mæ, quia tunc ea prætermissa,
dicitur Antifa. Nolite timere:
quinta enim die veniet ad vos
Dominus noster. Quod etiam
servatur in sequentibus diebus,
quando illud Festum occur-
rit.

Deinde Kyrie eleison. cum
Precibus, ut supra. 62.

Ad Magnificat, Antiphona.
Letamini cum Ierusalem, &
exultate in ea omnes qui diligi-
tis eam in æternum.

Nisi dicenda sit Antifa. O
Deinde Kyrie eleison. ut su-
pra. 130.

FERIA SEXTA.

Quatuor Temporum.

Ad Benedictus, Antiphona.
Ex quo facta est vox salutatio-
nis tui in auribus meis, exulta-
vit in gaudio infans in utero
meo, alleluia.

Deinde Kyrie eleison. ut su-
pra. 62. ORATIO.

Exulta, quæsumus Domine,
potentiam tuam, & veni:
ut hi, qui in tua pietate confi-
dunt, ab omni citius adversita-
te liberentur. Qui vivis & reg-
nas.

Et dicitur ad omnes Horas
præterquam in Vesperis.

Ad Magnificat, Antiphona.
Hoc est testimonium, quod
perhibuit Ioannes: Qui post me
venit ante me factus est.

Nisi dicenda sit Antifa. O

Deinde Kyrie eleison. ut su-
pra. 130.

ORATIO.

Aurem tuam, quæsumus
Domine, precibus nostris
accommoda: & mentis nostræ
tenebras gratia tuæ visitationis
illustra. Qui vivis & regnas.

SABBATO.

Quatuor Temporum.

Ad Benedictus, Antiphona.
Quomodo fiet istud, Angele
Dei, quoniam virum non cognos-
co? Audi Maria virgo: Spiritus
sanctus super veniet in te, & vir-
tus Altissimi obumbrabit tibi.

Nisi dicenda sit Antiphona.
Nolite timere. ut supra, &
nisi hæc fuerit dies ante Vigi-
liam Nativitatis: quia tunc ea
prætermissa, dicitur Antiphona.
Ecce completa sunt omnia,
quæ dicta sunt per Angelum
de virgine Maria. Quod etiam
servatur (si diem contingat)
in sequentibus diebus.

Deinde Kyrie eleison. ut su-
pra. 62. ORATIO.

Deus, qui conspicias, quia
ex nostra pravitate affligimur:
concede propitius; ut ex
tua visitatione consolémur.
Qui vivis & regnas.

Et dicitur per omnes Horas
Ad Vesp. Capitulum. 1. Cor. 4.

Fratres, Sic nos existimet
homo ut ministros Chris-
ti: & dispensatores mys-
teriorum Dei. Hic iam quæri-
tur inter dispensatores, ut fide-
lis quis inveniatur.

Hymnus. Creator alme sède-
rum. 155. *Y.* Rorate caeli desu-
per,

per, & nubes pluant iustum.
R. Aperiat terra, & germinet
 Salvatorem.

Antiphona ad Magnificat,
 una ex maioribus O.

ORATIO.

EXcita, quæsumus Dómine,
 potentiam tuam, & veni,
 & magna nobis virtute succur-
 re: ut per auxilium gratiæ tuæ,
 quod nostra peccata præpedi-
 diunt, indulgentiæ tuæ propitia-
 tionis accelleret. Qui vivis & reg-
 nas cum Deo Patre.

DOMINICA IV.

ADVENTUS.

Ad Matutinum, Invitatorium.
 Propè est iam Dóminus: * Veni-
 te adorémus. **R.** Reliqua ut in
 Dominica prima Adventus,
 supra. 155.

Ad Laudes, & per Horas,
 Antiphona.

CAnite tuba in Sion, quia
 propè est dies Dómini:
 ecce veniet ad salván-
 dum nos, alleluia, alleluia. **Psal-**
mus. Dóminus regnavit. **cum**
reliq. 17. **Añ.** Ecce veniet de-
 sideratus cunctis Géntibus: &
 replébitur glória domus Dómi-
 ni, alleluia. **Añ.** Erunt prava in
 directa, & áspera in vias planas:
 veni Dómine, & noli tardare,
 alleluia. **Añ.** Dóminus veniet,
 occurríte illi, dicentes: Magnum
 principium, & regni eius non
 erit finis: Deus, fortis, dominátor,
 princeps pacis, alleluia, alleluia.
Antiphona. Omnipotens sermo
 tuus Dómine à regálibus sédi-
 bus veniet, alleluia.

Capitulum. Fratres, Sic nos

existimet. 169. **Hymn.** En clara
 vox. 156. **V.** Vox clamántis in
 deserto. Paráte viam Dómini.
R. Rectas facite sémitas eius.

Ad Benedíctus, Antiphona.
 Ave María, grátia plena: Dómi-
 nus tecum: Benedícta tu in mu-
 lieribus, alleluia.

Nisi dicénda sit Antiph. No-
 lite timere. **vel Antiphona.** Ecce
 compléta. ut supra. 167.

Oratio. Excita, quæsumus
 Dómine. ut supra.

Ad Tertiám, Añ. Ecce vé-
 niet. **Capitulum.** Fratres, sic
 nos. ut supra. 169.

R. br. Veni ad liberándum nos,
 * Dómine Deus virtutum. Veni.
V. Osténde faciém tuam, & sal-
 vi érimus. **Dómine, Glória Patri.**
 Veni. **V.** Tinébunt Gentes
 nomen tuum Dómine. **R.** Et om-
 nes reges terræ glóriam tuam.

Ad Sextam, Antiphona.
 Erunt prava.

CAPITULUM. 1. Cor. 4.

Mihi autem pro mínimo est
 ut à vobis iudicèr, aut ab
 humano die: sed neque incip-
 sum iudico.

R. br. Osténde nobis Dómine,
 * Misericórdiam tuam. Osténde.
V. Et salutáre tuum da nobis.
 Misericórdiam. **Glória Patri.** Os-
 ténde. **V.** Meménto nostri Dó-
 mine in beneplácito pópuli tui.
R. Visita nos in salutari tuo.

Ad Nonam, Antiphona.
 Omnipotens sermo.

CAPITULUM. 1. Cor. 4.

ITaque nolite ante tempus iu-
 dicáre, quoadusque veniat
 Dóminus: qui & illuminábit
 abs-

abscondita tenebrarum, & ma-
 nifestábit consilia córdium: &
 tunc laus erit unicuique à
 Deo.

R. breve. Super te Ierusa-
 lem, * Oriétur Dóminus, Su-
 per. **V.** Et glória eius in te
 vidébitur. Oriétur. **Glória Pa-**
tri. Super te. **V.** Dómine Deus
 virtutum converté nos. **R.** Et
 osténde faciém tuam, & salvi
 érimus.

Ad Vesperas, Añ. Cánite tu-
 ba. cum reliquis de Laudibus.
 170. **Psalmus.** Dixit Dóminus.
 cum reliq. 125. **Capitulum.** Fra-
 tres, Sic nos. 169. **Hymnus.**
 Creator alme. 155. **V.** Roráte
 cæli désuper, & nubes pluant
 iustum. **R.** Aperiat terra, &
 germinet Salvatorem.

Ad Magnificat, Antiphona. O
 Oratio. Excita quæsumus. ut
 supra. 170.

Post Vesperas diei dicuntur
Vesperæ Defunctorum. lxviii

FERIA SECUNDA.
Ad Laudes Añe secundam
 superiorem Rubricam. 166.
Psalmus. Miserere. **cum reli-**
quis de Psalterio. 59.

CAPITULUM. *Isaie 2.*

Venite, & ascendámus ad
 montem Dómini, & ad
 domum Dei Iacob, & docébit
 nos vias suas, & ambulabimus
 in sémitis eius: quia de Sion exi-
 bit lex, & verbum Dómini de
 Ierusalem.

Hymnus. En clara vox. 158.
V. Vox clamántis in deserto,
 Paráte viam Dómini. **R.** Rectas
 facite sémitas eius.

Ad Benedíctus, Antiphona.
 Dicit Dóminus: Pœniténtiam
 ágite: appropinquabit enim
 regnum calórum, alleluia.

Nisi dicénda sit Antiphona.
 Nolite timere. **vel Antiphona.**
 Ecce compléta. 167.

Deinde Kyrie eléison. 62.
Oratio. Excita, quæsumus
 Dómine, ut supra. 170.

Hodiè dicitur Officium De-
functorum. lxxii.

Ad Magnificat, Antiphona. O
Deinde Kyrie eléison. ut su-
 pra. 130.

FERIA TERTIA.
Ad Benedíctus, Antiphona.
 Consurge, consurge, iudicere
 fortitudinem bráchiùm Domi-
 ni.

Nisi dicénda sit Añ. Nolite
 timere. **vel Antiphona.** Ecce
 compléta. ut supra. 167.

Deinde Kyrie eléison. ut su-
 pra. 62.

Ad Magnificat, Antiphona. O
Deinde Kyrie eléison. ut su-
 pra. 130.

FERIA QUARTA.
Ad Benedíctus, Antiphona.
 Ponam in Sion salutem, & in
 Ierusalem glóriam meam, alle-
 luia.

Nisi dicénda sit Añ. Nolite
 timere. **vel Antiphona.** Ecce
 compléta. ut supra. 167.

Deinde Kyrie eléison. sup. 62.
Ad Magnificat, Antiphona. O
Deinde Kyrie eléison. ut su-
 pra. 130.

FERIA QUINTA.
Ad Benedíctus, Antiphona.
 Consolámmini, consolámmini pó-
 pu-

pule meus, dicit Dominus Deus vester.

Nisi dicenda sit Antiphona.

Ecce completa.

Deinde Kyrie eleison. ut supra. 62.

Ad Magnificat, Antiphona. O.

Deinde Kyrie eleison. ut supra. 130.

FERIA SEXTA.

Ad Benedictus, Antiphona.

Ecce completa sunt omnia quae dicta sunt per Angelum de virgine Maria.

Deinde Kyrie eleison. supra. 62.

Ad Magnificat, Antiphona.

O Emmanuel, Rex & legislator noster, & expectatio Gentium, & Salvator eorum: veni ad salvandum nos, Domine Deus noster.

Deinde Kyrie eleison. ut supra. 130.

Si Vigilia Nativitatis Domini venerit in Dominica, officium fit hoc modo: Ad Matutinum, Invitatorium de Vigilia. Hodie scietis, ut infra. Hymnus de Adventu. Verbum supernum prodiens. 156. Antiphonae, Psalmi, & Versiculi Nocturnorum ut in Dominicis Adventus, excepto Versiculi tertii Nocturni, qui dicitur de Vigilia. Laudes dicuntur de Vigilia, cum Commem. de Dominica. 170. Similiter & per Horas celebratur Officium de Vigilia.

IN VIGILIA

Nativitatis Domini.

Ad Matutinum, Invitatorium. Hodie scietis, quia veniet Do-

minus: * Et mane videbitis gloriam eius. Psalmus. Venite, exultemus. 2. Hymnus. Verbum supernum. ut supra. 156. Antiphonae & Psalmi de FERIA occurrente. Hodie scietis, quia veniet Dominus. 3. Et mane videbitis gloriam eius.

Ad Laudes & per Horas, Officium ut Duplex.

Antiphona.

Iudaea, & Ierusalem nolite timere: cras egrediemini, & Dominus erit vobiscum, alleluia. Psalm. Dominus regnavit. cum reliquis. 17. Antiphona. Hodie scietis quia veniet Dominus & mane videbitis gloriam eius. Antiphona. Crastina die delabitur iniquitas terrae: & regnabit super nos Salvator mundi. Antiphona. Dominus veniet occurrere illi, dicentes: Magnum principium, & regni eius non erit finis: Deus, fortis, dominator, princeps pacis, alleluia. Antiphona. Crastina erit vobis salus, dicit Dominus Deus exercituum.

CAPITULUM. Rom. 1.

Paulus, servus Iesu Christi, vocatus Apostolus, segregatus in Evangelium Dei, quod ante promiserat per Prophetas suos in Scripturis sanctis de Filio suo, qui factus est et ex semine David secundum carnem.

Hymnus.

EN clara vox redarguit Obscura quaeque, personans:

Procul fugentur somnia: Ab alto Iesus promicat.

Mens

Mens iam resurgat torpida, Non amplius iacens humi: Sidus refuget iam novum, Ut tollat omne noxium.

EN Agnus ad nos mittitur Laxare gratis debitum: Omnes simul cum lacrymis Precemur indulgentiam.

Ut, cum secundo fulserit, Metuque mundum cinxerit, Non pro reatu puniat, Sed nos pius tunc protegat.

Virtus, honor, laus, gloria Deo Patri cum Filio, Sancto simul Paraclito, In saeculorum saecula. Amen.

Crastina die delabitur iniquitas terrae. Et regnabit super nos Salvator mundi.

Ad Benedictus, Antiphona. Orietur sicut sol Salvator mundi: & descendet in iterum virginis, sicut imber super gramen, alleluia.

ORATIO.

DEus, qui nos redemptionis nostrae annua expectatione laetificas: prasta, ut Unigenitum tuum, quem Redemptorem laeti suscipimus, venientem quoque iudicem seculi videamus, Dominum nostrum Iesum Christum Filium tuum. Qui tecum vivit & regnat.

Et dicitur per Horas diei.

Prima dicitur sicut in Duplicibus; & ad Absolutionem Capituli dicitur Capitulum Nonae, ut infra.

Ad Tertiam, Antiphona. Ho-

die scietis. Capitulum. Paulus servus. ut supra. 172. 3. breve. Hodie scietis, * Quia veniet Dominus. Hodie. Hodie. Et mane videbitis gloriam eius. Quia. Gloria Patri. Hodie. Hodie. Constantes estote. 3. Videbitis auxilium Domini super vos.

Ad Sextam, Antiphona.

Crastina die.

CAPITULUM. Rom. 1.

QUI praedestinat us est Filius Dei in virtute secundum spiritum sanctificationis ex resurrectione mortuorum Iesu Christi Domini nostri.

3. breve. Crastina die, * Delabitur iniquitas terrae. Crastina die. Et regnabit super nos Salvator mundi. Delabitur. Gloria Patri. Crastina die. Crastina erit vobis salus. Dicit Dominus Deus exercituum.

Ad Nonam, Antiphona.

Crastina erit.

CAPITULUM. Rom. 1.

PER quem accepimus gratiam, & Apostolorum ad obediendum fidei in omnibus Gentibus pro nomine eius, in quibus estis & vos vocati Iesu Christi Domini nostri.

3. breve. Crastina, * Erit vobis salus. Crastina. Dicit Dominus Deus exercituum. Erit. Gloria Patri. Crastina. Crastina die delabitur iniquitas terrae. Et regnabit super nos Salvator mundi.

IN